

## 六修支谱序

保族之道，莫要於谱，谱者举族所恃，以相维击也。乃时艰危，即届三十年修谱之期，或悚然有畏心而以为难，则将谢其力不能胜俯仰低徊，自愿居不孝之列留编辑以俟後來，此亦事之无可如何！然天下无薄其所自出，而不欲厚其所自出，则以万物本乎天；人本乎祖。尊祖故敬宗，敬宗故收族。今既欲收族矣，则谱为当务之急，必谆谆焉申惇叙之谊，而使油然而生孝弟之心，是固不容不修者矣。况时未靖，而新尤宜笃乎！我族自前清顺治定鼎，康熙雍正之际，天下虽治，散处益邑者，曾未议谱之修，於当时诚以艰大未易任也，乾隆四年己未，洪昌、正礼两公创修谱牒，合梅子山、蛇头山、阳家山、鸟窝山、堂、宏、钺三宗之裔，联为一体。此固一世祖安福令万公之灵默鉴於在天，而不胜幸也。继此再续於乾隆四十七年壬寅，三续於嘉庆十七年壬申，四续於咸丰九年己未，至光绪十六年庚寅五续，枝益茂，流益长，其任大於前其重於前矣，常历历披其卷帙，乃叹尔曰：“诸族彦不知费几许精力以搜讨耳！”夫禹之明德远，而其苗裔，分衍於吴楚者，历四千余年之久，绵绵焉益见昌

盛。乌程则爵侯矣，新封则爵伯矣，渤海则爵男矣；而庐陵如文忠，马渡如文公。干济、勋名、并流专於百世。其餘言可为坊，行可为表，昭焉争光日月。若修撰监丞、巽斋诸公又未至淹没也。盖人往风微，後之人於亲炙其生平，亦以序志、图表、铭赞之犹存，可历历於谱耳。兹又三十年矣，幸逢民国，椒聊蕃衍，棋布星罗，独念夫干戈迭起，瞻前顾後，未必无离散之虞？倘再易数寒暑、恐同宗有难於聚者。是以、阳家山虑之至深，前四年遂分修焉，诚美举也。我梅子山、蛇头山、西湾、继江山堂公裔也。同此一派流传，孰不愿为孝子慈孙，顾可置谱於度外乎！丁巳秋，常商议六续，僉以为可，虽然此非一人之力也。凡在本支，老人年少，具有贤明。一志同心，矢勤矢慎，经营斟酌，付梓观成。则本原於以溯，世系於以明，人文於以核，昭穆亲疏於以辨。生、娶、迁徙、卒葬，於以详。无遗忘，无混淆，无乘异，璧合珠联，仁至义尽，此人心所由睦，风俗所由教，有子谓，孝弟为仁之本。孟子谓，人人亲其亲，长其长，而天下平。道，悉在是谱之所系大矣。岂不幸与：岂不懿与！

嗣孙清邑痒生杰镜莹谨识